

Na osnovu člana 12. Zakona o Agenciji za privatizaciju ("Službene novine Federacije BiH", broj 18/96), člana 2. Zakona o privatizaciji preduzeća ("Službene novine Federacije BiH", br. 27/97 i 8/99) i člana 2. alineja 5. Pravilnika o postupku prodaje javnim prikupljanjem ponuda (tender) u velikoj privatizaciji ("Službene novine Federacije BiH", broj 17/00), Upravni odbor Agencije za privatizaciju u Federaciji Bosne i Hercegovine donosi

**ODLUKU
O UTVRĐIVANJU PROCENTA DRŽAVNOG/DRUŠTVENOG KAPITALA
PREDUZEĆA ZA PRODAJU U VELIKOJ PRIVATIZACIJI**

I

Ovom odlukom utvrđuje se procenat kapitala u preduzećima, koji će se u postupku velike privatizacije ponuditi za prodaju putem javnog prikupljanja ponuda (tender) i javne ponude dionica.

II

U preduzećima, koja se prodaju metodom-javno prikupljanje ponuda (tender) ponudit će se 67% ukupnog kapitala svakog preduzeća.

Kod preduzeća koja u ukupnoj strukturi svog kapitala imaju manje od 67% državnog/društvenog kapitala ponudit će se za prodaju u cjelosti tenderom.

Ostatak državnog/društvenog kapitala kod preduzeća iz stava 1. ove tačke ponudit će se za prodaju javnom ponudom dionica.

Izuzetno, ukoliko mjerodavne agencije, ocjene neophodnim učiniti izuzeće iz stava 1. ove tačke

(prodaja više od 67%), moraju imati saglasnost Upravnog odbora APF.

III

Preduzeća iz člana 3. Zakona o privatizaciji preduzeća ("Službene novine Federacije BiH", br. 27/97 i 8/99), koja nisu obuhvaćena utvrđenom Listom tendera i preduzeća iz komunalnih djelatnosti prodat će se do 49% od ukupnog kapitala svakog preduzeća, a ostatak od 51% ukupnog kapitala postaje državni kapital.

IV

Kapital preduzeća koja nisu obuhvaćena prethodnim tačkama ove odluke prodat će se javnom ponudom dionica.

V

Ova odluka je obvezujuća za APF i sve Kantonalne agencije za privatizaciju.

VI

Stupanjem na snagu ove odluke, Odluka o utvrđivanju procenta državnog/društvenog kapitala preduzeća koji će se ponuditi na prodaju u velikoj privatizaciji broj 01-02-3255/00 od 31.7.2000. godine, stavlja se van snage.

VII

Ova odluka stupa na snagu danom donošenja.